

## Kayëta iÿanar ir Timote Lilaya in

Akayëta aÿo ro, Pol ÿëgwën baÿo Timote, ar enga emat gë gër andiyen and Kaxanu an. Gër akayëta aÿo osëyali or Pol ol ex: end bësëyali bënëgwëê en; gë end ang ÿapëk ecale ak; do gë end ang ÿapëk exo dÿiyand alëngw ar Amara ak.

Er ex gër akayëta in:

End aniyen and gër Amara en: 1.1–3.13.

End ekwëta ed ðal en do gë end osëyali or enëgwëê en: 3.14–4.5.

End bapela band bëlëngw bër bamara en: 4.6–6.21.

### *Ecëmar el*

<sup>1</sup> Wëno Pol kë ÿëgwëlinde kayëta ijo ro. Parëxanda ir Yesu Kërisët hi këme ang re këni Kaxanu, mëÿ ar fexën këbo an, do gë Kërisët, ar këneÿo yarënde an. <sup>2</sup> Wëÿ Timote këni ÿëgwënëlinde, wëÿ ar hik enim asëñiÿwën ga bar ke ako ekwëta edebat. Awa Faba Kaxanu do gë Yesu Kërisët Axwën arebi an, yëlëleni oyekax ol, axaÿënan in do gë obetak ol!

### *End bësëyali bënëgwëê en*

<sup>3</sup> Në ekwitan emi end fel bami ðamana me yexën gër ebar ed Masedëwan en mëne ey bayi na gër Angol and Efes do eyëbi dexërand bërëmar eni teb osëyali or bënëgwëê ol. <sup>4</sup> Pelindëbi eni teb ebalëkënali ed bendacan el, do gë end omac or gër bandëÿwëra band këni

reyarand gë enata këm enj. Beño ecampëre fo kē wëlawënd. Beño ala aņo dëcand na exo kemëna emelëya ed ŝenene ed bënd Kaxanu, ar gë ekwëta. <sup>5</sup> Er këme ŝaland gë apela aņo in ex, ebalër ed gë owëkw owënëk el, gë onden onjekax, do gë ekwëta ed đal. <sup>6</sup> Bërëmar ga langangan këni beño, nambëraxën këni gër oyeyandëran or gë ofëcak këm. <sup>7</sup> Arafëna këni rafënanand mëne bësëyali bër acariya and Moyis hi këni xarak abi pëni ex na er këni sëyalind in, bëte abi pëni ex na er këni balëkënalind edeyara in.

<sup>8</sup> Aye nang këne mëne acariya aņ er ŝenene ex angëmëne ey tëfënd ang kē rend ak. <sup>9</sup> Nangëne mëne er kē rend acariya in bësëxwëpëtaxik bën, gë bëwëŝik bën, gë bësëmbak bën, gë bëwëndëran bën, gë bëyepën bër bënd Kaxanu bën, gë bëlaŵ bër bëxarëk bërebën bën, do gë bëlaŵ bër bëla bën këbi rend. Abi dend na bër ŝenene bën. <sup>10</sup> Bëte afaß faß këbi bër yëlayand gër eñac bën, gë bër kē rind asoŝan gë asoŝan, er këni rind asoŝan gë asoxari in, gë bëfan bër okadëp bën, gë bënëgwëŝ bën, gë bër kē yaŝarënd gër enëgwëŝ bën, do gë đek bër ñëpëk osëyali or đal bën. <sup>11</sup> Eņo kē rend Atëfëtan and xwëtënan ke aņ, and enjaran end Kaxanu, mëņ ar gë onënga aņ.

### *End oyekax or Kaxanu enj*

<sup>12</sup> Wëno gë emëkw edam el đek këmo ŝëkwand Yesu Kërisët, Axwën arebi an, mëņ ar yël ke ojaŵ od me dixënënd andiyen andexëm an. Gayik axwëta xwëta ke sebënanaxën ke andiyen aņo.

<sup>13</sup> Damana exe tanaxën Axwën an gër andiyen andexëm aŋo, wëno ašir bamo širënd, arixëra bamo rixërand, abamo baxëtën na. Barikan mëŋ lëkaya baxe gë axayënan isëm ado bayik amo kwëta bana, abame nang na mëne në emenan emo, në end onëpëgënan od lëb bax gër emëkw edam ok. <sup>14</sup> Ata Axwën arebi an, mondako xureli këŋo gër ndam oyekax ol, gë ekwëta el, do gë aŋana and gër Yesu Kërisët aŋ. <sup>15</sup> Eyeyan elo ed mokwëta ex do ed yäpëk momëxwëta: Yesu Kërisët ayow yow baxo gër ngwën ebi pexën bëwëndëran bën do wëno ex ar xurik me mendëra an. <sup>16</sup> Barikan Kaxanu gë axayënan wëlaya ke ex canayaxën gër wëno awendëran asëm ajo dëk ebuŋa ed Yesu Kërisët el, ang amatinali and bër këŋo xwëta eni cotaxën aniyän and din aŋ.

<sup>17</sup> Ar wunëk nand ex yo an,  
 ar ax cësënd na an,  
 ar anëŋo watënde na an,  
 ar ex gabat Kaxanu an,  
 xwënëk owëlik ol do gë enjaran eŋ din ir din!  
 Amen!

<sup>18</sup> Asëñiwën Timote, apela and këmi sebënanënd aŋ andamat ex gë bend reya këni anëka bëlawënel endey eŋ. Awa wëj kwitayind eyeyan elo ey kemënoxën ang ar okaxër fo. <sup>19</sup> Mëlayal ekwëta ed xwëta këyo Kaxanu el, bëte bayilexi onden onjekax. Onden onjekax onŋo bërëmar abi bo ex na, do në eŋo lapaxën këni ekwëta ed Kërisët el. <sup>20</sup> Gër enga eŋo hi këni Imene do gë Alekësandër. Mëŋ lëxwaxën

këmëni gër Sindan eni tÿyaxën mëne ax gi ex na mocir Kaxanu.

## 2

### *End cale eŋ*

<sup>1</sup> Awa ga re këme dãmana beŋo dek, kemënayindën cale in, karayindëno Kaxanu, caleyindëno, këlayindëno do cëkwayindëno në end bela dek. <sup>2</sup> Calenindënëbi bemun beŋ do gë dek bër ex bëlëngw bën, ene dÿiyaxënënde aniyand gë aketëxeta, and gë emer këm, ene balëkënalixënënde end Kaxanu eŋ, do ene dÿiyaxënënde ang ÿapëk ak. <sup>3</sup> Eŋo aye yek do aňan ñan ko Kaxanu, Afexën arebi an, <sup>4</sup> mëŋ ar ÿandi këŋo eni pex dek bela an do eni ŋatën enang ed end däl el.

<sup>5</sup> Enimin, Kaxanu ibat fo ex, bëte aňatelindër ar Kaxanu gë bela abat fo ex, mëne ngëŋ ala ar këno wacënd Yesu Kërisët an.

<sup>6</sup> Ayëlaya yëlaya ko mëŋ dëŋ akanji ebi dacëtaxën dek:  
osede olo wäsin këbo nand ÿapëk na mëne Kaxanu ÿandi këŋo eni pex dek bela bën.

<sup>7</sup> Në eŋo yataxën ke Kërisët me gi afemëra, parëxanda do asëyali bër benëng becëxe eni gixën gër ekwëta do gër däl. Er këme rend ijo däl ex, ame nëgwëšënd na.

<sup>8</sup> Awa er ÿandi ke gër ed ex yo, bësoňan bën eni yënënd otaxan omënek, eni calend gë emëkw epešax, gë oxoŷ këm do gë ecampëre këm.

<sup>9</sup> Er ÿandi ke bëte, bësoxari bën eni cudarand ŝenene, këreni cudand na banjëm band xaw. Këreni ñañënarand na gë bamël, këreni

bakarand na kaŋe, gë oyeri, do gë bebër xemëk akanji. <sup>10</sup> Barikan gër oye orebën watindëlex bandixa banjekax ang ŷap këbi bësoxari bër fëb këŋo Kaxanu. <sup>11</sup> And këni sëyalind aŋ, bësoxari bën cësinayindëlexëni do eni baxëtënd aye. <sup>12</sup> Asoxari an cësinayindëlexo, amo yël ex na or gapak or exo tëyalind ol, amo yël ex na eŋo bëñand asoŋan an. <sup>13</sup> Enimin Kaxanu, Adam ŷana këŋo ebay el, bayaxën këŋo Xawa. <sup>14</sup> Do ŝabucara in wa yifa këŋo asoxari an exo dëngw gër emëŝen ed Kaxanu, aŋo yifa ex na Adam, asoŋan an. <sup>15</sup> Barikan fo afex ko fex, ga rëw rëw ko angëmëne exo bayi gër ekwëta, gër ebal ed bela, gër eyëlaya ed gër owënëk, do gër ebana.

### 3

#### *End bëlëngw eŋ*

<sup>1</sup> Eyeyan elo ed mokwëta ex: asoŋan ar ŷandi këŋo enim exo gi alëngw gër Amara an, andiyen anjekax ŷandi këŋo exo dind. <sup>2</sup> Awa aŷap ŷapëk, alëngw an exo gi ar gë end këno nëp këm, icën ind asoxari abat, ar gë anjus, ar ye këŋo onden, ar ŝenene, ar këbi xwëtayand aye bëliyer, ar xamëk osëyali. <sup>3</sup> Gilexo ar bëngw këŋo onden, ar këni wëlërend gë bela, ar kë xwëŷëtand aŋana and kodï, kërexo gi na aŝeb, kërexo gi na axeŷax. <sup>4</sup> Kadacindëlexo aye ekun edexëm el, do obaŝ orexëm ol eni gi bër kë baxëtënd apela ang ŷapëk ak. <sup>5</sup> Enimin, angëmëne ala axo kam ex na ekaďac ed ekun edexëm el mondake cëŋ ko wëlaya Amara and Kaxanu aŋ? <sup>6</sup> Alëngw an, kërexo gi na de ar wãk ecede end Yesu këdi këŋo

fufën ndafënan in do exo gi ar këŋo nëp Kaxanu andamat gë ŝabucara in. <sup>7</sup> Aÿap ÿapëk bër ax gi ex na okëreceŋ bën eni deyand osede oyekax end ola orexëm eŋ, këdi kë nëxena oŵac orexëm ol, do eŋo tëra ŝabucara in gë bamene bandexëm baŋ.

### *End ojakër eŋ*

<sup>8</sup> Ojakër ok bëte aÿap ÿapëk eni gi bër mopëb, bër ax gi ex na gë odëxas oki, bër abi kurelind na ngoy in, do këreni gi na bër kë ŝotënd kodi gë enëgwëš. <sup>9</sup> Aÿap ÿapëk eni mëlayand end ekwëta end ŝonët ko Kaxanu gë onden onjekax eŋ. <sup>10</sup> Canayalex pere gër bandixa bandebën mëne bër ŝenene exëni eni ñanaxën andiyen and ojakër aŋ, angëmëne gë end kënëbi nëp këm exëni. <sup>11</sup> Bëte bësoxari bër ex ojakër bën aÿap ÿapëk eni gi bër mopëb, bër gë anjus, bër mokwëta gër beÿ dek, këreni gi na bëxapëndër. <sup>12</sup> Jakër in gilexo icën ind asoxari abat, kadacindëlebi ŝenene obaš orexëm ol, do mëlayayindëlexo aye ekun edexëm el. <sup>13</sup> Ojakër od kë rind ŝenene andiyen andebën ok bër gër amara bën dek afëb kënëbi fëbënd, do axor këni xorënd eni yeyan gë or gapak osëm end ekwëta ed bar këbo gër Yesu Kërisët eŋ.

### *End ekwëta eŋ*

<sup>14</sup> Timote, mondako këmi ÿëgwënëlınd kayëta ijo ado ga këme yarënd mi nëngali gogo dëŋ. <sup>15</sup> Bari angëmëne ame yeli ex na gërëgako, anang nang këy ang ÿapëk ey diyand gër ekun ed Kaxanu ak. Ekun elo ex Amara and Kaxanu and wëlayak däl aŋ, ang xëcar ir aciŵ fo.

16 Endey end Kërisët end êon baxo Kaxanu elod ga ŷanak ngwën aŋ cëŋ, iyo aŷap ŷapëk enang ed mëne mbaŋ rafëk el:

Kërisët ŷanayaw bax gë eman,  
 Angoc Amënëk aŋ w̄asin këbo mëne ar ŷenene  
 ex,  
 gër omeleka ŷanaya ko,  
 endexëm eŋ sëfët këni gër benëng bend bela,  
 bëranjëm w̄ak endexëm eŋ gër ngwën,  
 Kaxanu w̄ëla këŋo gër orën gë enjaran eŋ.

## 4

### *End bësëyali bër benëgwëš eŋ*

1 Barikan Angoc and Kaxanu aŋ rek kerët mëne gër bakey bapelatar, bërëmar ayepan këbi yepan ekwëta ed Kërisët el do eni kwënda etëf ed bend ŷangoc ŷand këbi nambelind bela, do gë osëyali or bend bëyël. 2 Bën ex bër kë w̄and enëbi yifa bëŷëŋënax bër kë labayand bën, gë bënëgwëš bën, do gë bër ŷor kënebi gër onden gë endun end lëxw bani xali warëk bën\*. 3 Bela bëjo kë sëyalind mëne bërëw̄ak end Yesu do nang këni d̄al bën këreni ñërënd na, bëte këreni yambënd na bebërëmar xarak Kaxanu rik eni yambënd do eno cëkwand. 4 Dek er ri ko Kaxanu in aye yek, ŷoweŷ ax gi ex na er monap angëmëne ašëkwa këno šëkwand en yambaxën. 5 Enimin, er ex yo kë w̄ënënd gë eyeyan ed Kaxanu el do gë cale in.

\* **4:2** 4.2 Amëd aŋo, mondako banëbi ŷorënd bëlaw̄ bër bela bën do gë okađëp od bafi naŷand bëxwën bërebën ok ang kënebi rind oxey nanganëme fo ak.

*End ola or ariyenin ar Kërisët eŋ*

<sup>6</sup> Angëmëne ßapela ßaŋo këyëbi sëyalind bëmaÿe bëŋ, ata key hi ariyenin ayekax ar Yesu Kërisët. Mondako kë şanaya gër ola orey mëne ßend ekwëta ßeŋ do gë osëyali or këy sëfënd din ol ang eyamb yamb fo hik gër aniyan andey. <sup>7</sup> Barikan cusëlëbi ßër kë sëyalind ßendacan ßend kë yepënënd ßend Kaxanu ßen gayik bësoxari bëxarëk këbi ßalënd ßendacan ßeŋo. Kemënal ey diyand ang ÿapëk exo diyand ar këŋo ßalënd ßend Kaxanu ak. <sup>8</sup> Edi ed ßebër kë ßëngwënënd eman el ofëcak dëŋ exëna. Barikan ofëcak or ar këŋo ßalënd ßend Kaxanu ol xucak ex këbën. Gayikwa Kaxanu abeya beya këŋo ar kë rind mondako an aniyan and gërëgako aŋ do gë and kë yowënd aŋ. <sup>9</sup> Eyeyan elo ed ðal ex, ed mokwëta aye ex. <sup>10</sup> Biyi asoro këne soronde gër andiyen, axemëna këne xemënande gër ekwëta, ang ßër okaxër fo gayik ayar këneŋo yarënde Kaxanu, mëŋ ar gë aniyan an, adofa ðek ðek in ßërëwëk endexëm ßën.

<sup>11</sup> Ata ßeŋo ÿapëk eyëbi pelënd, do eyëbi tëyalind eni dind. <sup>12</sup> Awa wëj cëŋ, gil ar şenene, do ßërëwëk ßën korindëlexëni eni tëfëteli: eyeyan edey el, gë ßandixa ßandey ßaŋ, gë aŋana andey aŋ, gë ekwëta edey el, do gë owënëk orey ol. Gayik şambenjar fo ßayi këy, ala kërexixi yaf na. <sup>13</sup> Xali yatir këme yeli, ßalëkënalind opën od akayëta and Kaxanu ok gër Amara. Pelindëbi eni kemëna gër etëf ed er këni wëlelind in ßëte kemënal eyëbi tëyalind. <sup>14</sup> Anjëla and re baxo alawënel mëne Kaxanu yël ki në end oyekax orexëm aŋ, aşot



ŝot këy and xwëtan këni otaxan, do ŝalen këni enga end bëlëngw bër gër Amara eŋ. Do wëj kërey dangangan na. <sup>15</sup> Balindëlexi mbaŋ beŋo, yëlayal gë emëkw el dek gër andiyen andey. Ata këni ŷana eni watënd bër gër Amara bën dek mène ola orey ol ang këŋo ŷapanënd Kaxanu ak dëŋ hik. <sup>16</sup> Titinalind aniyen andey aŋ do gë osëyali orey ol. Balëkënalind beŋo dek. Enimin, angëmëne mondako këy rind afex kën fex wëj, do gë bër ki baxëtënd bën.

## 5

### *End bapela eŋ*

<sup>1</sup> Ar xarëna ki gër Amara an, pelëralo ang sorix fo, këreyëŋo dexëra na kwëlay-kwëlay. Do ocambenjar ok, pelërayindëbi ang bëmaŷe fo. <sup>2</sup> Asoxari axarëk an, pelëralo ang norix fo, do bësoxari bëbeja bën, pelërayindëbi gë owënëk, ang bëmaŷe fo.

<sup>3</sup> Dëcarayindëbi bësoxari bësebëta sebëta bën angëmëne ani gi ex na gë ar këbi rëcarand. <sup>4</sup> Angëmëne asoxari asebëta sebëta an gë obaŝ exo ba gë ejiw bën exo, bën tëyalexëni emëlaya edexëm el. Maŝëninndëlenëbi bëxarëk bën edëba ed lëba kënëbi el eni wataxënënd bër hi këni ekun ebat bën ekwëta edebën el gayik eŋo këŋo nënganënd Kaxanu. <sup>5</sup> Ar hik enim asoxari asebëta sebëta an, ar bayik gabat an, ajo ex ar këŋo yarënd Kaxanu an. Ciŝ wec xemëna ko cale in do gë okar od eŋo dëca ok. <sup>6</sup> Barikan asoxari asebëta sebëta, ar xwëndak amëkëña and gë bësoŝan an, anëka nemi ko ado ga bayi ko mopër. <sup>7</sup> Eŋo ŷapëk eyëbi pelënd bësoxari

bësebëta sebëta bën eni dıyaxënënd gë end kënëbi nöp këm. <sup>8</sup> Angëmëne ala enjo key emëlaya ed bërëxëm el, adofa bër ekun edexëm bën, anëka lap ko ekwëta edexëm el, anëka yëñën ko nëmëc gë ar elod axo gi ex na kërecen an.

<sup>9</sup> Eno ñëgwaxën asoxari asebëta sebëta an gër akayëta and bësoxari bësebëta sebëta, təkëleño pere bënıy ofëxw ocongebat do gılexo ar yër baño asoşan abat fo. <sup>10</sup> Bela bën deyayındëlexëni mäne ari baxo rınd benjekax beño: aye babi wëlayand obaş orexëm ol, gë emëkw epeşax babi xacand bëliyer bën, anebën babi nebënënd osapar oñ bërëwäk bën, arëcara babi rëcarand bër şëmura këbi bën, do benjekax bend ex yo baxo rınd.

<sup>11</sup> End bësoxari bëbeja bësebëta sebëta en cën, aıyandı këbi yandıd enëbi ñër gaşëxe, do eno teb Kërisët. Men ex, këreyëbi ñëgwënd na gër akayëta and bësoxari bësebëta sebëta. <sup>12</sup> Bësoxari bësebëta sebëta bër sebëk eyëla eñanar ed yëlaya bani el monöp exëni. <sup>13</sup> Mondako hixën këni bëxwëlaraxık, do këni sëfërand bëciw bën gë omëkara. Bëte er xurık ex ñënën in ex, ga wata këni eyeyan gë ofëcak këm el, do gë edil ed gër bend ax gi ex na bendebën el. <sup>14</sup> Awa wëno er këmëni xaranënd bësoxari bëbeja bësebëta sebëta bën enëbi ñërënd gaşëxe, enëbi cotënd obaş, do eni mëlayand şenene ekun edebën el, këdi këni şot bërangoyëra andebi bën er kënëbo renaraxën. <sup>15</sup> Bërëmar cën anëka şapa këni do këno sëfënd Sindan in. <sup>16</sup> Angëmëne asoxari arëwäk

ebi cot bësoxari bër nëng irexëm bësëbëta sebëta, kemënalexo ebi dëcarand këdi këbi lenga emëlaya edebën el bër gër Amara bën do eni tëkwan edëcaran ed bësoxari bësëbëta sebëta bër ax gi ex na gë ar këbi rëcarand bën.

*End epëb ed bëlëngw bër Amara eŋ*

<sup>17</sup> Bëlëngw bër Amara bër kë xadacënd šenene bën, aŋap ŋapëk enëbi pëbënd do enëbi dëcarand adofa bër xemënak gër epemëra ed end Kaxanu do gër osëyali bën. <sup>18</sup> Ga rek wa Oñëgw Omënëk ok:

«Këren kapënd na etëy ed engaš end këgun wëñënd bële eŋ.» Do

«Ar kë riyenind an ŋap këŋo acosa aŋ<sup>☆</sup>.»

<sup>19</sup> Ar këŋo lëxwënd alëngw ar Amara xarak axo gi ex na gë otede oki ba otas, këreyëŋo yaka na.

<sup>20</sup> And ko wëndëra ala gër Amara aŋ, dexëralo poyoma eni yëdaraxën bëte bër bayik bën.

<sup>21</sup> Axara xara këmi gë oŋal osëm, gër lëngw ir Kaxanu, gër ir Yesu Kërisët, do gër ir omeleka omënëk: tanal ey dind dek bebër këmi felënd bëjo, do ŋoweŋ kërey dind na gë epitëndër ed bela. <sup>22</sup> Kemënal wëj dëŋ ey gi din awënëk fo.

Kërexixi nëkanënd na etana ed ala mokwëtan otaxan exo gixën alëngw el, gë ala këren bar na gër beñëŋënax bendexëm. <sup>23</sup> Gayikako laŋ ki yambënënd acël aŋ xali ey daki, cebind təkër ngoy in, tebël eceb ed wayët men fo el.

<sup>24</sup> Na fo exëni bër gë bamena band wat-wat dãmama kiti ex gixën indebën in. Bëte na fo exëni bër kë šonënd bamena bandebën do and

☆ 5:18 5.18 Andocane 25.4

kë nëka aŋ fo kë ŝanayand. <sup>25</sup> Andamat ex gë bandixa banjekax baŋ: band ax watind na atan baŋ dëŋ ax bayi na ga ŝonayak.

## 6

### *End okadëp eŋ*

<sup>1</sup> Dek bër ex gër oxadëp bën, pëbindëlenëbi mbaŋ bëxwën bërebën bën ang yapëk ak, mën bayik bër fac bën ani denara na oŵac or Kaxanu ol, ani yepën na osëyali orebi ol. <sup>2</sup> Bërëŵak bër ex okadëp bën kërenëbi yafënd na bëxwën bërebën bën ado ga hi këni bëmaÿe bëndebën gër ekwëta. Bëte gayikako bën bërëŵak, bër ñan këbi Kaxanu kënëbi riyeninënd, këbënëlex nëmëc andiyen andebën aŋ.

### *End osëyali eŋ*

Eŋo yapëk eyëbi tëyalind do eyëbi pelënd eni di. <sup>3</sup> Angëmëne ala exo tëyalind becëxen, bend fitarëk gë eyeyan ed ðal ed Yesu Kërisët, Axwën arebi el, angëmëne axo tëfënd na bebër sëyali këmun mëne aÿapan këŋo ÿapanënd Kaxanu bën, <sup>4</sup> awa ajo ar fufën këŋo ndafënan hi ko, ar nemërak hi ko. Mokaŋj këŋo xanjënd ecampëre el do gë ekeÿër ed në end bëndey bëtil el. Mondako kë ÿanand oyakëraxi ol, gë oŵer oŋ, gë odenar ok, do gë eyëlandër ed beñëŋënax el. <sup>5</sup> Bakucara band bëla bëjo baŋ ax kwëtënd na gë ekwët. Bakucara band bër gë onden otëmbak ex, band bër ax bo ex na gër ðal ex, band bër kë yëland mëne ekwëta ed xwëta këno Kaxanu el acotëraxën ex. <sup>6</sup> Eyo ðal ex mëne, ebalëkënali ed bend Kaxanu el acotëraxën atëm ex angëmëne

anëngandëra ki nëngandërand gë er šot këy in. <sup>7</sup> Enimin ŷoweŷ ane mëlaw exe na gër ngwën ro, bëte ŷoweŷ ane mëlaye na. <sup>8</sup> Awa angëmëne ašot këne šotënde eyamb yamb in, do gë banjëm baŋ, gwac ebo. <sup>9</sup> Barikan bër kë faŷënd gër oŷëkw orebën mëne afo eni gi bër gë napul bën kë wëcënd gër eñëŷenax. Bën këbi sëränd ang amene fo oñandi odanjëm, oñandi opëñirëx, oñandi oñëŷenax. Do oñandi oko këbi sëwënd eni nëxena do eni nambëra. <sup>10</sup> Enimin, aŷana and kodfi aŷ ex anëmbët and gër ed kë ŷanawënd toro ind ex yo. Ata bërëmar ga ñan këni kodfi in, ñawëtaxën këni ekwëta ed Kaxanu el, do sëkaxën këbi oyot odanjëm.

### *Bapela bapelatar baŋ*

<sup>11</sup> End wëj ala ar Kaxanu eŷ cëŷ, kwëŷëtal beŷo. Calayind aniyän and šenene, and ñan ko Kaxanu, and gë ekwëta; aniyän and gë aŷana and bëla, and gë ebuŷa, and gë onden omëngwëk. <sup>12</sup> Kaxëring okaxër onjekax ond ar xwëta këŷo Kaxanu oŷ, kwëtayal aye aniyän and din and wäceli ki aŷ. Ax gi ex na nde ga šot këy aniyän aŷo rixën bay osede oyekax ol do wël këni otede odanjëm? <sup>13</sup> Gër lëngw ir Kaxanu, mëŷ ar këbi yëlënd aniyän dek bëbër gë onjën an, do gër lëngw ir Yesu Kërisët, mëŷ ar reya bax osede oyekax gër lëngw ir Poŷës Pilat an, këmi felënd eŷo: <sup>14</sup> kwëtayal apela aŷ do ey bayi, aŷënëk do ar gë end këno nëp këm xali yatir ko bakaw Yesu Kërisët, Axwën arefi an. <sup>15</sup> Abaka ko bakaw and këŷo ñatan Kaxanu aŷ, mëŷ ar ex gë onënga do axwën owun an,

ar ex enim Emun an,  
 ar ex Emun end bemun an,  
 do Axwën ar bëxwën an.

<sup>16</sup> Mëñ gabat ex ar ax cësënd na an,  
 mëñ ex ar lëgëk gabat gër angoben an,  
 angoben and ala ax təkand na añ,  
 angoben and elod ala ax wat na añ,  
 angoben and ala ax kor na exo nēkon añ.  
 Mëñ xwënək enjaran eñ  
 do gë panga ind din ir din iñ! Amen!

<sup>17</sup> Pelëralëbi bër şotëk napul ir gër ngwën ro  
 bën, kërëni dafënanand na. Pelëläbi eno kwëtand  
 Kaxanu, mëñ ar kë yëlënd dëm beñ def, ebo  
 nëngandëraxënënd an. Do kërëni kwëtand na  
 napul ir kë xor ex kwët ijo. <sup>18</sup> Pelëläbi eni  
 dind enjekax eñ, napul irebën in gilex añësa  
 and bandixa banjekax. Dëcarayindëlenëbi bela  
 bën gë emëkw epeşax, kërëni kwëjënälind na.  
<sup>19</sup> Do Tañëndëlexëni mondako napul isëm ir këni  
 xanađ ecan ecan in, eni dëkayaxën aniyan and  
 đal añ.

<sup>20</sup> E Timote, kwëtayal aye er xwëtënan ki Kax-  
 anu in. Kwëyëtal eyeyan ed kë yepënënd bend  
 Kaxanu el, tebël eyeyandëra ed ax başënënd  
 na ekwëta el. Kwëyëtal ecampëre ed në end  
 onangëran or fudac ol. <sup>21</sup> Bërëmar cëñ, ga bani  
 soşanand mëne aşot şot këni onangëran olo,  
 sebaxën këni ekwëta ed Kaxanu el.

Awa Kaxanu yëlëleñun oyekax orexëm ol!

**Oniyan**  
**Oniyan: Oniyan (New Testament+)**

copyright © 2017 Wycliffe Bible Translators, Inc.

Language: (Oniyan)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

8b7902f3-5e35-5b89-86b2-c6da1be458b9